



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLIII. ad annum DLXXVII.

**Parisiis, 1644**

Item Ex Alia Charta Recitatvm Est.

**urn:nbn:de:hbz:466:1-15324**

ANNO CHRISTI  
533.  
\* for. xxi.  
petui Augusti anno \*XXIII. post consulatum Basilii viri  
clarissimi anno IX. per Ioannem presbyterum & apocri-  
farium, & ipse direxit eam per Maxentium hominem  
suum.

ITEM EX ALIA CHARTA RECITATVM EST.

Dilectissimo fratri Aureliano episcopo Arelatensi  
Vigilius.

F RATERNITATIS vestræ literas pridie Idus Iulias, A-  
nastasio deferente, suscepimus: & gratias referimus  
diuinæ clementiæ, quia solicitudinem vestrarum in fidei  
causa, vel in nostræ opinione personæ, sacris relegimus  
conuenire mādatis, vt digne caritati tuæ verba Dei & con-  
uenienter aptentur, quibus ait: *Elegi te sacerdotem ex omni-  
bus, ait, \*ascendens ad altare meum, & portes coram me \* nomen  
magnum cunctis diebus uitæ tuæ.* <sup>1. Reg. 2.</sup> Necesse ergo nobis est cari-  
tatis vestræ solicitudinem breui interim, quantum pro  
temporis qualitate potuimus, releuare colloquio: quate-  
nus modis omnibus confidatis, nihil nos penitus admis-  
se quod decessorum nostrorum constitutis vel sanctæ,  
quæ vna eademque est, fidei quatuor Synodorum, id est,  
Nicænæ, Constantinopolitanæ, Ephesinæ primæ, atque  
Calchedonensis, inueniatur (quod absit) esse contrarium,  
aut quod ad personarum iniuriam pertineat, quæ defini-  
tionie eiusdem sanctæ fidei subscriperunt, vel sanctorum  
prædecessorum nostrorum Cælestini, Xysti, Leonis, alio-  
rumque præcedentium atque sequentium definitis repe-  
riatur aduersum, sed a nobis omnibus prædictis Synodis  
vnam venerationem, vnāque fidei credulitatem indubi-  
tabiliter exhiberi: & eos qui omnes supra scriptas quatuor  
Synodos in rectitudine fidei non sequantur, vel vnam ex  
ipsis vel omnes in fide reprauant, aut reprauare, aut iniuriare,  
vel repudiare nituntur, abiicimus: sed & ea quæ in  
eiusdem sanctæ fidei iniuriam verbo dicta vel reperiuntur  
scripta, anathematizanda execrandaque iudicauimus, &  
constituimus iudicanda: simili poena plectentes etiam  
eos qui fidem beati Cyrilli, quem sanctæ recordationis  
Leo prædecessor noster ad præcessores vestros aliosque  
dati probauit & laudauit scriptis, & Calchedonensis ve-

Concil. Tom. 12.

E c

neranda sancta Synodus legitur protulisse, aliorumque  
patrum, quos apostolicæ sedis præsules suscepereunt atque  
fecuti sunt, execranda superbia impia vocauerunt. Frater-  
nitas ergo tua, quem apostolicæ sedis per nos constat  
esse vicarium, vniuersis episcopis innotescat, vt nullis aut  
falsis scriptis, aut mendacibus verbis, aut nuntiis qualibet  
ratione turbentur, sed potius primi apostolorum, sicut  
conuenit, verba secentur dicentis: *Aduersarius vester dia-  
bolus, ut leo rugiens, circumit, quærens quem deuoret, cui resistite  
fortes in fide.* & quod item docto[r] gentium dicit Aposto-  
lus: *Rogo autem vos, fratres, ut obseruetis eos qui dissensiones &  
offendicula præter doctrinam quam vos didicistis faciunt, & de-  
clineate ab illis:* in Domino confidentes, quia, sicut præfa-  
ti sumus, ab apostolis fidem traditam, & a prædictis san-  
ctis quatuor Conciliis declaratam, & a decessoribus no-  
stris & ab antedictis patribus prædicatam, atque inuio-  
labiliter custoditam, sincera voluntate tenuimus, tene-  
mus, venerati sumus, veneramur atque defendimus,  
& contra eam facientes apostolica auctoritate damna-  
mus. Sed quanta possumus per filium nostrum Anastasiu[m]  
de his quæ gesta sunt breuiter nos indicare necesse  
est, & cum nos dominus filius noster clementissimus im-  
perator, sicut promisit, Deo (qui cor ipsius tenet) iuuante  
reuerti præceperit, hominem, qui vobis ad singula sub-  
tiliter innotescat, Deo propitio destinamus. Quod ideo  
adhuc non fecimus, quia & hiemis asperitas, & Italæ,  
quæ vos non latet, necessitas præpediuit: donec serenif-  
fimus princeps, sicut desiderat, Domino sibi \* subueniat.  
Illud quoque credimus sperandum, vt quia scriptum est:  
*Frater fratrem adiuuans exaltabitur;* & sicut de credentibus  
in Domino Actuum apostolicorum scripture testatur,  
quia erat credentibus in Domino cor unum & anima una; vt sit  
fraternitas vestra in hac quoque parte solicita, & glorio-  
so filio nostro Childeberto regi, quem Christianitatis  
studio venerationem integrum sedi apostolicæ, cui nos  
Deus præesse voluit, cognouimus exhibere, supplicare  
non desinas, quatenus in tanta rerum necessitate circa  
ecclesiam Dei sollicitudinem, sicut & confidimus, Chris-  
tiana devotione persoluat: vt quia Gothi cum rege  
suo in ciuitate Romana perhibentur ingressi, hoc eis

ANNO CHRISTI  
535. dignetur scribere, ne se in ecclesiæ nostræ præjudicio,  
quippe velut alienæ legis, immisceat, & aliquid faciat, aut  
fieri qualibet ratione permittat, vnde catholica possit ec-  
clesia perturbari. Dignum enim est, & catholico, sicut  
est, regi conueniens, vt fidem & ecclesiam, in qua Deus  
illum voluit baptizari, omni beat virtute defendere.  
Scriptum est enim: *Vino ego, dicit Dominus, quia glorifican-* 1. Reg. 2.  
*tes me, glorificabo.* Festina ergo, frater carissime, vt in san-  
ctæ fidei sinceritate persistens, ecclesiarum pacem, quæ  
vel a Deo per meritum sacerdotii tibi commissa est, vel a  
nobis per apostolicam auctoritatem vicaria potestate  
mandatur, competenti sollicitudine, Deo propitiante,  
custodias, & vicarium te sedis nostræ dignis Deo manife-  
stes operibus. Deus te conseruet, frater carissime. Da-  
tum III. Kalendas Maias, imperii domini nostri Iustinia-  
ni perpetui Augusti anno XXIV. post consulatum Basilii  
\*fer. no-  
no, viri clarissimi anno \* octauo, per hominem quem Ana-  
stasius direxit.

## ITEM EX ALIA CHARTA ITA RECITATVM EST.

**L**Ecta sunt nobis gesta confecta apud Antiochenæ  
ciuitatis defensorem, quibus inferebantur testimonia  
militum significantium, vt compendiose dicamus, quod  
priusquam Sergius reuerendissimus Cyrestenam ciuita-  
tem accederet, quidam, id est, Andronicus presbyter &  
defensor, & Georgius diaconus, accipientes imaginem  
Theodoriti, qui vndique inculpatum propter fidei erro-  
rem, in currum eam imposuerunt, & in Cyrestenam ciuita-  
tem introduxerunt, psallentes & ostendentes quod e-  
iusdem illi secta sunt. Sergius autem postea cum ciuitatem  
aceperisset, & collectionem celebravit ipsius Theodoriti,  
& Diodori, & Theodori, nec non & Nestorii cuiusdam,  
quem martyrem esse dixit, cum prouincia nullum habeat  
martyrium huic appellationi conueniens. Evidenter igit  
mirati sumus, primo quidem si latuerunt tuam emi-  
nentiam talia gesta in ciuitate confecta. Deinde si cum  
cognouisses quod factum est, non sine dilatione quæstio-  
nen fecisti negotii, maxime cum degere Sergius dicere-  
tur, & cum Paulo reuerendissimo esse. Verum etiam le-  
cta sunt nobis paulo post gesta confecta apud Cyreste-

Concil. Tom. 12.E e ij